

Član 25.
(Ulazak maloljetnika)

(1) Stranac mlađi od 14 godina koji ima ličnu putnu ispravu može prelaziti granicu Bosne i Hercegovine u pratnji jednog ili oba roditelja, zakonskog zastupnika ili staratelja, odnosno u pratnji lica koje je opunomoćeno da ga prati uz potpisanu i ovjerenu punomoć roditelja, zakonskog zastupnika ili staratelja. Maloljetnik koji putuje bez pratnje, mora imati ovjerenu saglasnost roditelja, zakonskog zastupnika ili staratelja.

(2) Saglasnost ili punomoć sadrži: lične podatke o maloljetniku i zakonskom zastupniku ili staratelju, lične podatke o pratiocu maloljetnika ukoliko maloljetnik putuje sa pratnjom, svrhu i vrijeme boravka u Bosni i Hercegovini, vremenski period na koji se izdaje saglasnost ili punomoć i potpis davaoca. Ovaj dokument mora biti na jednom od jezika koji su u službenoj upotrebi u Bosni i Hercegovini ili na engleskom jeziku sa prevodom na jedan od jezika u službenoj upotrebi u Bosni i Hercegovini i ovjeren od strane ovlaštenog sudskog prevodioca ako se radi o prevodu.

(3) Smatra se da stranac maloljetnik posjeduje saglasnost zakonskog zastupnika ako:

- a) putuje avionom i posjeduje popratnicu za putovanje maloljetnika izdatu od strane operatora aviona,
- b) je u sastavu školske ekscurzije, a nalazi se na spisku učesnika ekscurzije ovjerenom od nadležne školske ustanove ili
- c) učestvuje u sportskoj, kulturnoj ili sličnoj manifestaciji i nalazi se na spisku učesnika.

(4) Ukoliko stranac mlađi od 14 godina ne dođe u pratnji jednog ili oba roditelja, zakonskog zastupnika ili staratelja i ne ispunjava neki od navedenih uslova iz ovog člana, bit će vraćen i predat graničnoj policiji države iz koje je pokušao ući u Bosnu i Hercegovinu.